

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj:02-011-235 /'00
Sarajevo, 13.10.2000.god.

Z A P I S N I K

**23. sjednice Doma naroda Parlamentarne skupštine
Bosne i Hercegovine održane 13.10. 2000. godine**

Sjednica je počela u 11.15 sati.

Sjednicom je predsjedavao Drago Ljubičić, predsjedavajući Doma naroda Parlamentarne skupštine Bosne i Hercegovine.

Na sjednici Doma bilo je 13 delegata.

Svoj izostanak su opravdali Vinko Zorić i Momir Malić.

Na sjednici su bili i: Mirsad Kurtović, ministar vanjske trgovine i ekonomskih odnosa, Lidija Topić, zamjenik ministra za evropske integracije, Milovan Blagojević, zamjenik ministra za evropske integracije, Husein Živalj, zamjenik ministra vanjskih poslova i Nudžeim Rečica, zamjenik ministra civilnih poslova i komunikacija

Nakon što je utvrdio da ima kvorum, predsjedavajući je predložio sljedeći

DNEVNI RED

1. Usvajanje Zapisnika 22.sjednice Doma naroda
2. Davanje saglasnosti za ratificiranje protokola i sporazuma:
 - a) Drugi fakultativni protokol uz Međunarodni pakt o građanskim i političkim pravima, čiji je cilj ukidanje smrtne kazne;
 - b) Sporazum o razvojnom kreditu za sektor obrazovanja između BiH i Međunarodne asocijacije za razvoj, Svjetske banke- Education Development Project-Credit No. 3351 BOS;
 - c) Sporazum o kreditu za razvoj (Pilot projekat hitnog zapošljavanja radne snage na nova radna mjesta) između BiH i Međunarodne asocijacije za razvoj;
3. Inovirana lista uslova za prijem Bosne i Hercegovine u Vijeće Evrope;
4. Izvještaj Radne grupe o radu na pripremi Nacrta izbornog zakona Bosne i Hercegovine
5. Primopredaja dužnosti predsjedavajućeg Doma naroda Parlamentarne skupštine Bosne i Hercegovine;
6. Odgovori na delegatska pitanja, delegatska pitanja i inicijative.

U raspravi o dnevnom redu nije niko sudjelovao.

Dnevni red je usvojen jednoglasno.

AD. 1. Usvajanje zapisnika 22. sjednice Doma naroda

U raspravi o zapisniku 22. sjednice sudjelovao je Đoko Pajić. Zapisnik 22. sjednice usvojen je jednoglasno.

AD. 2. Davanje saglasnosti za ratificiranje protokola i sporazuma:

- a) Drugi fakultativni protokol uz Međunarodni pakt o građanskim i političkim pravima, čiji je cilj ukidanje smrtne kazne;
- b) Sporazum o razvojnom kreditu za sektor obrazovanja između BiH i Međunarodne asocijacije za razvoj, Svjetske banke- Education Development Project-Credit No. 3351 BOS;
- c) Sporazum o kreditu za razvoj (Pilot projekat hitnog zapošljavanja radne snage na nova radna mjesta) između BiH i Međunarodne asocijacije za razvoj

U raspravi o ovoj tački dnevnog reda sudjelovali su: Đoko Pajić, Ristan Ristić i Mirsad Kurtović.

Za Drugi fakultativni protokol uz Međunarodni pakt o građanskim i političkim pravima, čiji je cilj ukidanje smrtne kazne data je jednoglasna saglasnost za ratificiranje.

Za Sporazum o razvojnom kreditu za sektor obrazovanja između BiH i Međunarodne asocijacije za razvoj, Svjetske banke- Education Development Project-Credit No. 3351 BOS data je jednoglasna saglasnost za ratificiranje.

Za Sporazum o kreditu za razvoj (Pilot projekat hitnog zapošljavanja radne snage na nova radna mjesta) između BiH i Međunarodne asocijacije za razvoj sa 12 glasova za i jednim glasom protiv data je saglasnost za ratificiranje.

AD. 3. Inovirana lista uslova za prijem Bosne i Hercegovine u Vijeće Evrope

U raspravi o ovoj tački dnevnog reda sudjelovao je Đoko Pajić.

Nakon rasprave konstatirano je da je potrebno ubrzati aktivnosti za ispunjenje uslova za prijem BiH u Vijeće Evrope, a kako je i Izborni zakon jedan od uslova Radna grupa za izradu Izbornog zakona bi trebala, ukoliko je to moguće, što prije završiti svoj rad kako bi se Izborni zakon stavio u proceduru u Parlamentarnoj skupštini BiH.

AD. 4. Izvještaj radne grupe o radu na pripremi Nacrta izbornog zakona Bosne i Hercegovine

U raspravi o ovoj tački dnevnog reda sudjelovao je Izet Žigić predlažući da Dom naroda preporuči i traži od entitetskih parlamenata provođenje procedura usklađivanja ustava entiteta s odlukom Ustavnog suda BiH.

S obzirom na to da prijedlog Izeta Žigića nije prihvaćen samo je konstatirano da se Dom naroda upoznao s izvještajem Radne grupe o radu na pripremi Nacrta izbornog zakona Bosne i Hercegovine.

AD. 5. Primopredaja dužnosti predsjedavajućeg Doma naroda Parlamentarne skupštine Bosne i Hercegovine

Drago Ljubičić, predsjedavajući Doma naroda Parlamentarne skupštine Bosne i Hercegovine, uz riječi zahvalnosti na saradnji, predao je Vladimiru Šoljiću dužnost predsjedavajućeg Doma naroda Parlamentarne skupštine Bosne i Hercegovine.

AD. 6. Odgovori na delegatska pitanja, delegatska pitanja i inicijative

Delegat Đoko Pajić je postavio zahtjev da mu se odgovori na pitanje postavljeno na 21. Sjednici Doma naroda, a koje glasi:

“Čime su se OHR i Privremena izborna komisija rukovodili kada su dvjema strankama iz Republike Srpske, a među njima i Srpskoj radikalnoj stranci, zabranili izlazak na izbore?”

Delegat Đoko Pajić je uputio inicijativu Privremenoj izornoj komisiji OSCE da predstojeće opće izbore odgodi do usvajanja Izbornog zakona kako bi se izbori provedu po stalnom Izbornom zakonu.

Sjednica je završila sa radom u 12.10 sati.

Magnetofonski snimak čini sastavni dio Zapisnika.

PREDSJEDAVAJUĆI
DOMA NARODA
Drago Ljubičić